





第一四六二册

四庫全書

●上海古籍出版社

本冊目次

宋

詩

鈔(二)

清吳之振編……………一

第一四六二冊

●土著古籍出版

欽定四庫全書

集部  
宋詩鈔卷四十八  
五十二

詳校官中書<sub>臣</sub>賈鍊

主事銜<sub>臣</sub>徐以坤覆勘

總校官編修<sub>臣</sub>王燕緒

校對官中書<sub>臣</sub>劉源溥

謄錄監生<sub>臣</sub>鄭家屏

欽定四庫全書

宋詩鈔卷四十八

內閣中書舍人吳之振編

張元幹蘆川歸來集鈔

張元幹字仲宗永福人太學士舍歷官至大監所與

遊皆偉人賢士嘗及其亡友唐惲生詩帖標軸確架

如談達人貴公得暇時又嘉其朋友之義又於亂紙

中得其祖文靖手澤知祖未第時堦於劉氏劉無出

欽定四庫全書

宋詩鈔  
卷四十八

葬於福清元幹求之榛莽中割牲醴酒為文刻石以

傳子孫作幽岩尊祖錄宣政間游定夫楊龜山陳了

翁朱喬年李伯紀洪駒父徐師川呂居仁名賢三十

餘家咸題跋欺美之有蘆川歸來集十餘卷得之書

肆廢帙迨其大半詩止近體六七十二卷清新而有法

度蔚然出塵觀其序王承可詩云初從徐東湖指授

句法知淵源有自也

次韻唐彥猷所題顧野王祠與霍子孟廟對

蘭若黃門像相望博陸居衣冠屢亦暗蕭鼓祭全疎草  
色侵荒逕潮聲過夕墟遺風獨可想弔古一觴餘

過宿趙次張郊居二首

北客多流落東村更寂寥宵同清夜夢不待故人招月  
掛荒園竹霜飛獨木橋聽雞休起舞且共論天驕  
莫歎交游晚相期歲月深秋來初識面老去要知心燈  
火須更僕杯盤取自斟平生王霸街袖手有微吟

次韻奉和平叔亭林至日之什

欽定四庫全書

文淵堂  
卷四十八

雲物果何好客愁今更新生來江月白興在雪蘿春我  
輩且同酌公詩殊出塵莫思淮海上黑幟雜黃巾

花飛

雨晴連兵氣花飛點客愁寓居皆野寺相遇只扁舟不  
作新塘去還為後柳游盤餐雖杞菊得飽勝椎牛

送江子我歸嚴陵

久客驚秋晚懷歸更送君亂來俱避地老去惜離羣山  
閣杯浮菊江城雁度雲行行經釣瀨時事不須聞

亂後

亂後今誰在年來事可傷雲深懷故里春老尚它鄉寧  
復論秦過終當作楚狂維舟短籬下聊學捕魚郎

返正

諸將爭傳檄羣凶尚阻兵天旋黃屋正日轉赤墀明喪  
亂多妖孽經綸貴老成鯨鯢終必戮草木已知生

冬夜有懷柯田山人四首

聞說新居好山樊卜築深藥囊能濟物龜筮少知音四

欽定四庫全書

文淵堂  
卷四十八

海慶縣首中原盡綠林直須期雪屋夜掉去相尋

坐閱千戈援輸公已定居生涯今易足世態莫嗔渠晷  
短全疎客牕暗好對書故山常入夢何日到吾廬

客裏了無況亂來何止貧淹留頻換歲老大更思親泥  
飲思田父供糧乏故人自憐歸未得不是白頭新

雅欲賦招隱何堪弔戰場獨看星錯落久立夜蒼茫羽  
檄來東越風烟隔下塘安閒隨處有冠蓋莫相望

登垂虹亭二首

一別三吳地重來二十年瘡痍兵火後花石稻梁先山  
暗松江雨波吞震澤天扁舟吳浪發蛟鰐正垂涎  
熠燿流螢火垂垂飲倒虹行雲吞皎月飛電掃長空壯  
觀江邊雨醒人水上風須臾風雨過萬事笑談中

漫興

老客書題壩魚營口腹忙未能忘壯志遠宵變剛腸暮  
短催寒急燈明伴漏長牀頭裙衾在不怕滿簷霜

奉送富修仲赴南昌尉

欽定四庫全書

本四十八

吏道雖餘事人情要飽諳家風端自守句法有同參  
南浦翻雲浪西山滴翠嵐折腰與趨走政恐未能堪

夜宿宗公丈室求詩甚勤為賦五字

林表登層閣秋聲隱暮鐘鵲歸苦竹寺雨閣亂雲峰屢  
乞雷新句重來訪舊蹤松門罕車馬似喜老夫逢

次韻是伯南飲董彥達官舍心遠堂

今夕知何夕真成累十觴爐薰飄月影螢炬翦花香政  
懶還詩債無從發酒狂故人憐久客舞袖要須長

叔易自三吳歸同赴竹菴荔子之集二首

惜別梅花雨來歸荔子秋江帆成昨夢雲嶠忽重游共  
喜身長健寧論久客愁殷勤老居士更為寶峰雷  
客去雲俱散山空月正圓不參藤樹句自透竹菴禪骨  
法凌烟像家聲鼓瑟篇直須陪叔季急佐中興年

寄錢申伯二首

子去客昭武今懷懷舊遊青山潭在眼白髮暗添頭放  
食今安好歸程豫滯留艱邊因野步試覓水明樓

欽定四庫全書

本四十八

一點照今古胸中殊了然不妨為漫吏可但號臞僊丹  
荔盟猶在凝香句未傳秋風稍涼冷速辦下灘船  
申伯有行色會宿東禪次元韻

真成風雨夜精舍對牀眠去住非無數行藏莫問天十  
年瀕瘴海一棹破春烟君自足歸興不妨啼杜鵑

次折樞題雪峰韻

軒冕本無意烟霞如有期故人容野老勝踐見新詩誰  
辦兼忘世公當急濟時春歸仍送別好在出山遲

次韻范才元中秋不見月韻

不見中秋月長吟五字城浮雲有底急清影可憐生殘  
夜四更句故人千里情與君徒悵望天上自分明

次呂居仁見寄韻

老去猶爲客誰人念退居相望千里路賴有數行書白  
鵞猶堪寄烏牛政憶渠何時開枉駕竹裏喚行廚

次韻劉希顏感懷

避謁疎毛穎推愁賴索郎坐來春漏促夢去畏途長故

欽定四庫全書

卷四十八

國書題冷新詩齒頰香湖山雖好在歲月已相忘

郭從範示及張安國諸公酬唱數次嚴韻

登樓乘暇日喚客共澆愁春去花猶發陰濃雨未休和  
詩真冷澹得句總風流能遣西隣老殊無陋巷憂

戊辰春二月晦日同栖鷺子送所親過寶積題壁

間

春江因送客雲嶠更登臨精舍經行地征人去住心猿  
啼清夢斷花落晚鶼陰勝踐成三宿俱來此意深

次韻送友人過山陰郡時夜別于舟中

草草杯盤燦燭光故人相對水雲鄉濤江君去訪秦望  
止聲我歸爲楚狂活國未逢三折臂憂時空轉九回腸  
絕憐明發成南北夢寐全無夜太長

喜王性之見過千金村

春來書劄已西東喜復相逢亂世中萬事變更唯古在  
三年流落轉途窮雲收野寺侵廊水月掛孤帆送客風  
刺欲畱君明日住夜闌難得一樽同

欽定四庫全書

卷四十八

次江子我遷居韻

平生自省宜三黜老去何心望九遷避地湖山聊復爾  
脫身兵火想當然浮家泛宅非無計坎止流行本信緣  
猶恐驚濤翻四海直須化鶴作飛仙

次趙次張見遺之什韻

海邊游子日思歸新句勞君更置規莫問人間多負錦  
正如天上有參旗寄書只欲憑黃耳去路誰能畏赤眉  
定與故巢懷鶴老此生無愧北山移

過雲間黃用和新圖

繚池剩欲開花徑，舊舍先須作草堂。雨後不妨頻檢校，客來畱得共徜徉。故園怪我歸何晚，避地輸君樂未央。待得功名方卜築，豈如強健享風光。

蘭溪舟中寄蘇粹中

氣吞萬里境中事，心老經年江上行。三徑已荒無蠟夢，一錢不直有鷗盟。雲收遠嶂晚風熟，浪打寒灘春水生。鴻雁北飛知我意，爲傳詩句渡陽城。

欽定四庫全書

文淵閣  
卷四十八

別錢老

無端流落迫殘年，三十南山訪老禪。未契安心了難覓，不如同世且隨緣。頻移竹几負寒日，旋拾松梢炊晚烟。珍重孤雲出山去，東西南北一青天。

次江子我聞角韻

夫差故國縈寒水，鐵馬南來忽振纓。城上昏鴉爭接翅，舟中逐客謹逃名。胡笳怨處風微起，濁酒醒時夢易驚。飄泊似聞山寺近，真成夜半聽鐘聲。

次友人寒食書懷韻二首

往昔升平客大梁，新烟然燭九衢香。車聲馳道內家出，春色禁溝宮柳黃。陵邑祇今稱漢地，衣冠誰復問唐裝。傷心寒食當時事，夢想流鶯下苑牆。

孤生投老急菟裘，萬里雲山已勒游。共喜石交逢異縣，更陪綠筆賦春愁。無心俯仰猶多事，與世浮湛已拙謀。冷雨吹花作寒食，三杯軟飽且眠休。

訪親于連江因過筠溪叩門循行數其荒蕪不治

欽定四庫全書

文淵閣  
卷四十八

有懷普現居士口占此章

筠莊主人何未歸，溪畔長林翠微此。去功名時欲至，箇中車馬跡全稀。茅茨漏久蝸涎篆，籬落散多蛛網圍。公肯借菴容我老，爲公朝夕掃柴扉。

宮使樞密富丈和篇高妙所謂壓倒元白末句許

予尤非所敢承謹用前韻叙謝

修門一出十經春，相業時來自奮身。袖手深謀終活國，揮毫佳句且驚人。話言每許聞前輩，賓客何堪接後塵。

侍婦櫬槍洗兵馬兩翁玄語記天津

次韻文老史君宗光見贈近體佳什兩篇僕與公

別四十餘年一旦邂逅情著於詞

舊遊蘭若盡英才坐上高談亦壯哉老去語音雖記憶  
衆中容貌各驚猜津亭夜雨故人少樽酒燈花鄉信來  
茂苑相逢話京洛拖樓猶喜侍春回

冬夜書懷呈富樞

耳聾無用問新聞矯首何妨目作昏癡絕已甘投老境

欽定四庫全書

卷四十八

背馳寧受之憐恩難陪年少從渠薄賴得春回為我溫  
京洛交游頻檢校渡江今有幾人存

次韻趙元功贈李季言之什

赤縣飄零未易逢那知今夕一樽同好招明月共清影  
託與白雲行太室懷悅舊遊如隔世蹉跎壯志莫論功  
兩公秉燭還相對情話從渠半醉中

次韻元功才友道中見貺因以解嘲

當時勇決徑歸休更有人愚似我不何許置錐寧免累

直須畢娶始無憂頻遭白眼傷流俗誰向青門念故侯  
客裏題詩相慰藉羨君椽筆盡螭頭

奉送晁伯南歸金谿

君家諸父多人傑半是平生親舊間莫話故園空矯首  
相從逆旅足開顏文元勲業金甌字昭德風流玉笋班  
此去騰驤吐虹氣何由來伴老夫閒

遊東山二詠次李丞相韻

欽定四庫全書

卷四十八

寒木高蘿幾曲溪斷碑零落卧荒祠澄潭想像雲頭湧  
懸瀑依稀雨脚垂地軸漫煩龍虎戰天符那得鬼神私  
茫茫造物殊難曉要是為霖自有時

畱寄黃巖山妙湛禪師

晨發薊城越數峰我來師出失從容白雲遮日蔽秋寺  
青嶂聞猿驚暮鐘世亂可無閒地隱山深偏覺老僧慵  
他年芋火談空夜雪屋松牕約過冬

用折樞韻呈李丞相二首

參陪仍許瘦筇支長者登臨最後期鍾斷白雲飛雨過

月生青嶂夜涼時  
心知勝地都忘睡  
喜聽連牀共和詩  
蓮社風流增荔子  
餘生長健更何為

莫問蒲萄出月支  
不緣瓜戛訪安期  
輕紅滿地人慵婦  
空翠沾衣雨足時  
松蔭晴晝聽落蟬  
蟬嘶晚吹助裁詩  
公乎此去歸廊廟  
無用山中怨鶴為

次錢申伯游東山韻

掃榻開軒走寺宮  
吾曹終日得從容  
夕陽初落禪谿路  
雲氣半遮獅子峰  
試問丹砂回白髮  
何如瀑布煮枯松  
暮年縱有壯心在  
歸意已勝山色濃

欽定四庫全書

宋詩抄  
卷四十八

十一

宋詩鈔卷四十八

欽定四庫全書

宋詩鈔卷四十九

內閣中書舍人吳之振編

葉夢得建康集鈔

葉夢得字少蘊吳縣人紹聖四年進士自婺州教授  
召為編修官歷祠部郎起居郎翰林學士出知汝州  
提舉洞霄宮政和五年起知蔡州移帥潁昌府尋提  
舉南京鴻慶宮紹興初起為江東安撫大使兼知建  
康府移知福州上章請老仍提舉洞霄致仕而卒贈  
檢校少保夢得有總集百卷此集乃知建康時所作  
總集中之一集也建康是時值用兵契濶鋒鏑之中  
而吟咏蕭散固是詩人之致

欽定四庫全書

宋詩抄  
卷四十九

赴建康過京口呈劉李高

客路重經黃鵠前故人仍得暫雷連  
長鎗大劒笑安用白髮蒼顏空自憐  
照野已驚橫雉堞蔽江行見下樓船  
灞陵醉尉無人識漫對雲峰說去年

時李高吾新  
城上月觀

送模歸千山并示僧宗義為余守西巖者三首

自我離山間忽已兩改月飢人不忘食未坐先已說家  
僮挾書至驚起慰愁絕推尋到難犬問訊窮曲折此生  
豈多為一壺萬慮滅可能復大錯更鑄八州鐵

江東領  
八州

汝歸馬蹄輕初不恨觸熱慙慙報松竹吾豈成久別

端居探幽奇自謂略已偏昨登西山嶺雄絕昔未見溪

湖莽吞吐雲物紛百變乃知十年閒尚或遺勝踐巢成

輒棄去我豈秋社燕

燕南山絕頂亭  
基垂成而來

為我課僮僕開闢

欽定四庫全書

卷四十九

盡二面莫言羊腸險徑小煩屢轉杖藜不用扶吾脚猶  
爾健

生長在山間從公守蓬戶人言膏粱子麤免汚統禱官

居無多應費止復遠去家法恐未傳此心良已素義禪

晚從我似識此間趣西巖鬱鬱岑久斷俗子路聊持山

中節為我王雷務封陞際湖海雲月皆所部

建康舊俗貴重九上巳諸曹皆休務祀神登北山

參議馬君獨不出攜詩相過因言石林之勝次

其韻

倦飛歸鳥正思還扣戶聊分半日閒勝事漫同談栗里  
佳時休笑負龍山簿書已老無餘力香火朝真有舊班  
他日尚期能過我試窮千嶂共追攀

西齋初成解中舊有太湖石數十株因植之庭下

萬壑千巖不易求壺中聊寄小瀛州稍看碑兀雲峰出

便有檀栾桂樹幽絕境自知難遠忘奇蹤爭怪獨能畱

山翁已老猶兒戲漫擬伸着一散愁

欽定四庫全書

卷四十九

與晁激仲夜話

外家文米到諸郎凜凜辭鋒未可當伴我何辭共戎馬  
憐君聊欲濯糟漿激仲以池州  
酒正從余辟殘年落葉風塵際永夜  
從容燈燭光祇恐扁舟吾欲去病慵無意薄淮陽

次韻再答激仲

生涯久許捕魚郎鳬雁相追不亂行但近陶廬存菊徑  
不辭楚酒醉椒漿交情老柏寒方見妙語靈珠夜有光  
回首漸知歸路好已看梅柳動初陽

雨夜與模論中原且起模與徐敦宗遊清涼覽觀

形勢嘉其有志因以勉之

千年石頭城突兀真虎踞蒼茫劫火餘尚復雷故處大江轉洪濤騰踏不可御空城寂寞潮日暮獨東去登臨欲弔古俯視極千慮吾兒勇過我蓐食穿沮洳謂言撫中原未暇論割據功名亦何人我老聊自恕它年報國心或可借前箸無為笑頽然已飽安用鉄

### 懷西山

欽定四庫全書

東坡詩  
卷四十九

西山十畝強高下略不喬嵌空抱奇秀上有凌雲梯架屋八九間茅簷最辭低所欲面勢好老稚通扶攜密竹轉修徑老松故成蹊仲冬景氣肅碧草猶萋萋仰視天宇大四觀渺回溪徐行信足力未畏成顛躋周意各有適孰云無町畦平生幾瀟首末路乃噬臍不作巢蔕燕宵從觸藩羝胡為濫麾鉞坐聽鳴鼓鼙外物委蟲臂全生思鳥蹄可能三徑草歸路老更迷

山間每歲正月望夜梅花正開多與客飲花下今

年郡解獨坐十四夜張暘叔是激仲相過共話

宣和間事慨然歸不能寐因以寫懷

山頭野梅白玉花月明弄影紛橫斜青天無雲萬峰立下有三畝幽人家年年春歸不暇省但掃雪徑尋寒葩老夫已忘少年事燈火豈念更繁華一杯起步偏空谷破屋歸卧瞰朝霞陪都復來亦何有凜凜殺氣浮高牙重關深鎖夜漏永忽記昨夢翻長嗟景龍門前一月會金盃賜酒余雄誇神州陸沈近歸我漢節方議通胡沙天翻地覆那得料忍復更聽漁陽槌

欽定四庫全書

東坡詩  
卷四十九

蔡子因相過雷踰月

解作江山一月雷仲文儒雅更風流欲知爵隲心能喜

正愛蟬連語不休築室君方論並舍

子因同居雲上

歸山我

已辦扁舟交親四海今餘幾萬事傷心付白頭

徐敦濟書報嘗過余石林

繞潤新添數百竿故人書為報平安似聞謾謾山風響正想陰陰夏簟寒老去不能窮蠹簡歸來便擬挂塵冠

一杯且覓林間約莫枉山王廢舊歡

送沈傳曜

卞峰摩青空東望烏氏敦豈忘宿春糧終塊一歎門邈  
近此相遇傾懷得徐論人言解半刀要使當劇煩未悟  
清廟器朱紱列墨尊我衰百慮息但念三畝園王師肅  
西征萬馬先雲屯何力償賜履緬慙羨歸軒寄聲舴艋  
舟想見浮雁村清冷尚可釣無使雲水渾

偶書為山亭二首

欽定四庫全書

東坡詩  
卷四十九

為山亭下小巘屹只欠蕭蕭竹數竿但遣飛流時漱玉  
且將歸思為翁寬

微風似與洗庭除石枕蠻藤不負予八尺方牀聊已足  
可須仍要讀殘書

次韻程伯禹贈宗室趙朝請

人物相望不並時使君水鑑有真知未論理屈傾三語  
只闢詩壇自一奇援援干戈猶戰伐紛紛簿領更喧卑  
應須便作高軒過好德何人佐我儀

題晁公老愚崇溪山

荒林翳宿莽脫木寒無烟不知三間茆中有幾醉眠山  
遠尚見雲江空微石天歸舟定何許滄波方渺然

觀化堂銅校舊書

赫日真能永微風亦自涼故應便北戶何敢厭東牆汲  
水聊為戲繙書却未忙平生閒與嬾併覺味兼長  
翰墨他生業山林晚歲心那知身已老但覺意增深捉  
麈誰能話扶筇可細尋晚來庭鵲喜似恐有歸音

欽定四庫全書

東坡詩  
卷四十九

憶朱氏西澗

澗下流泉澗上松清陰盡處有層峰應知六月冰壺外  
未許人間得暫逢  
憶向中流置竹牀萬錢無處買清涼只今路斷無來客  
自撥新醅醉幾場

再任後遣模歸按視石林四首

巖石三年別君恩未許歸從誰尊草徑為我款荆扉舊  
統山千疊新添竹一園故人如見問端欲挂朝衣

白髮堂上孩兒更共懷弄孫那得見將母免難諧已絕功名望猶疑出處垂此心終未穩何處復安排

挿架環千軸傳家有舊書展舒懸几案涼曝闕庭除破

屋方懸酒殘編足蠹魚好須重檢校局鎖莫令疎

細路穿南嶺新松幾許長毋庸馳馬足祇擬轉羊腸更

作高臺好初非亂石妨兩溪渾在眼似欲見帆檣

### 東園作草堂新成二首

官舍如何有草堂野人熱處自難忘池開月映千山迴

欽定四庫全書

東詩外  
卷四十九

檻靜風生六月涼幽徑也從穿別浦小舟還似過橫塘

深知幕府文書省盡付甘眠亦未妨

密費荒茆已數重中開別戶更相容苦無公事妨人樂

多有清閒借客牖南浦潮平分賸水室前池與  
潮水通北山路

近得青松近載北山  
松百本怪翁歸意何能緩新築高臺見卧

龍園中不見山因積  
土作臺遠見將山

### 徐敦立相過

茆齋一曲傍寒灣邂逅終年伴我閒契濶易驚成歲月

追尋空復對江山暫畱客枕聽疎雨時久早  
方得雨遙想吾廬掩舊闌落莫歸心誰與話坐談聊為起衰顏

同敦立游蔣山謁寶公塔王荊公墓晚過草堂寺

### 周顥故宅也

我居在城府再至俄二年豈無山水心可奈簿領纏今

晨偶乘興過此賓從賢零雨洗驕陽谷中聽流泉憑高

快遠覽正見江浮天至人本無心與我常周旋誰云喚

不應汝意自不度余自到鎮每雨晴祈  
寶公塔未嘗不應麥隴稍已滋橫

欽定四庫全書

東詩外  
卷四十九

水漲微連佳城倚華表拱木埋貂蟬暮過草堂寺借榻

聊雙眠不復聞怨鶻荒茆但連延歸路踐落日暮峰鬱

相先回風送遠響虛里生晚烟吾廬悵何許東望良慨

然

### 用前韻送敦立

畏作親友別况復非中年身如三眠蠶已老翻自纏竭

來守江關從事寧獨賢經年兩大入爐火通甘泉石林

豈壺中亦自有一天采薇敢言勤誰與歌勞旋上書苦

祈哀傾寫志已度坐懷北山巖未見西溪連人言搏風  
鵬不及翳葉蟬共攬攜手客可忘曲肱眠首鼠信禿翁  
胡為尚遽延子來幸暖熱愧我一飯先清詩似鳴玉想  
見藍田烟索去何乃遽臨分重依然

為山亭晚臥

瘦石聊吾伴遙山更爾瞻泉聲分寂歷草色借廉纖玉  
粒時能飽霜毛日更添平生疎懶意况與病相兼

戲方仁聲四絕句

欽定四庫全書

宋詩鈔  
卷四十九

十

戲弄扁舟泊宅村却尋三徑築茆墩雲邊此意真誰解  
臆作新詩與細論

水檻新開似浣花傍溪須更作浮槎祇應履費王宏酒  
時要清樽對落霞

不惜囊錢信手空荒田却擬望年豐天公可是憐風月  
判遣詩人一例窮

盧橘楊梅已及時我歸先自有前期平生不作宣明面  
浪愧將軍建鼓旗

仁聲舊居城東泊宅村張志和嘗所游也今徙西  
溪作雲茆菴因東岡為小亭號茆墩欲傍溪開  
水檻久無資會郡守有饋之酒五十壺不敢飲  
亟易之乃克成有田數十畝常苦下潦余居石  
林與雲茆南北正相望故及之云

欽定四庫全書

宋詩鈔  
卷四十九

十一

宋詩鈔卷四十九

欽定四庫全書

宋詩鈔卷五十

內閣中書舍人吳之振編

張九成橫浦詩鈔

張九成字子韶開封人徙居錢塘從學于龜山紹興二年策進士直言者置高等九成遂擢首選授鎮東軍僉判歷至刑部侍郎秦檜和議不合謫邵州復以傾附趙鼎落職高宗特予宮觀先是徑山僧宗杲與

欽定四庫全書

宋詩鈔卷五十

善檜諷諭其與宗杲謗訕謫南安軍十四年從學者稱橫浦先生每執書就明倚立庭碑歲久雙趺隱然寶慶初贈太師崇國公諡文忠九成于經學頗多訓解然習于異學故議論多偏詩亦多禪悅空悟習氣

癸亥初到嶺下寄汪聖錫

人物苦難得閉眼不敢看孤芳擢堯穢秀色出榛菅懷我同心友正在天一端文字妙入聖操履到所難美玉經三鍛貞松遇歲寒憐我寬度嶺色慘顏不歡書來每

慰薦苦語餘辛酸不上泰山頂安知天地寬相思暮烟起片月過前灘

食苦筍

吾鄉苦筍佳出處惟石屋玉肌膩新酥黃衣綠深綠林深恐人知頭角互出縮烟雨養春姿此物未成熟三月臘酒香開罇蝸幽獨烹庖入盤俎點醬真味足未須五鼎牛聊稱一蒙粟揭來庾嶺下歲月去何速經冬又七春未分窮途哭今朝好事者惠我生一束頭兒甲爛斑

欽定四庫全書

宋詩鈔卷五十

味惡韻靡俗兒童不慣嘗噉噉驚媼僕老妻念鄉味故箸淚盈目丈夫志有在何事校口腹呼奴更傾酒一笑風生谷

有客

春雨止復作閉門無與居童奴告予言有客叩吾廬束帶出見之頎然一丈夫手攜一尊酒辭氣何晏如謂言久聞名曾未瞻簪裾天寒宜飲酒一杯聊以娛盤飧亦草草蔬果間溪魚顏色溫勝玉言談貫如珠豈期有道